

到琉球指遣兵船不移時日及一戰彼黨數多討捕之剩國王降參之并三司官以下到于其地不日可爲渡海之注進誠以無比類勸共候猶本多佐渡守可申候謹言

七月五日

秀忠御判

薩摩少將殿へ

琉球之儀早速屬平均之由注進候手柄之段被思召即彼國進候條彌仕置等可被申付候也

七月五日

家康御黑印

薩摩少將どのへ

〔南浦文集〕中與大明福建軍門書

琉球國王尙寧上書大明國福建軍門老大閣下恭審小邦去日本薩摩州者僅三百餘里以故三百年來以時獻不腆方物修其鄰好頃有不肖齎夫緩其貢期是故薩摩州進兵於小邦小邦荒墟者誠天之所命而我亦以無苞桑之戒也不幸而爲其俘囚在薩摩州者三年矣州君家久公外好武勇內懷慈憫待我以待貴客之禮禮遇之厚者三年一心加之送還我於小邦於是吾民之歌於市并於野者茲非幸歟州君寄言於我其之言曰夫邦國在四方也有金玉者或不足乎錦繡有粟米者或不足乎器皿若有餘而不散不足而無聚民用不足而其貨亦腐惟坐而待腐不如通其有無各得其所矣日本非無金玉器皿其土宜質素而不及於中華之文質彬彬是故使我參謀於兩國一以使日本商船許以容之大明邊地二以使大明商船來我小邦交相貿易三以使一遣使年年通其貨之有無者匪翅富兩國人民大明亦無爲倭寇嚴備兵衛矣三者若無許之令日本西海道九國數萬之軍進寇於大明大明數十州之鄰於日本者必有近憂矣是皆日本大樹將軍之意而州君所以欲通兩國之志者也伏冀軍門老大於斯三者許一於此我小邦大沐大明之德化且遂日本之夙志是亦天朝恤遠守小之仁心也若然則永守藩職無生貳心遐方嚮化之念沒世不忘也伏楮伸鄙忱仰祈尊炤不宣